

Italico. *Tinna* dividitur flumine parvo & inglorio. In Foro Palatia sunt tria: in uno habitant VII Viri *Fulginate*, ad quos primum Civiles deferuntur Controversiarum Magistratu fungentes bimestri: in altero Praetor, qui graviores causas dijudicat, cuius munus sex durat menses: in tertio Gubernator, cui summa potestas Pontificis nomine tribuitur. *Assisum* ab *Assi* monte proximo dictum: *Aesisum* Ptol. *Aesium* Str. *Ascesi* vulgo & *Sisi*, Episcopatus dignitate claret. Patria est *D. Francisci*, qui Familiae Minorum conditor: Templo ibi honestatus sumtuosissimo. Est hic Bibliotheca instructissima. *Mons Falco* opidum amoenis in collibus: Novum quidem, sed incolis frequens: quo *B. Clara*, Eremitarum Ordinis virgo, fertur orta. *Spoletum*, a quo *Ducatus Spoletini* nomen Umbriae tributum. Vulgo *Spoleto*, *Spolegium*, Str. & Pr. Situm est inaequaliter, partim in plano, partim in colle, cui & Arx insidet munitissima, ex vetusto quondam Amphitheatro, quod hie erat, facta. Urbs hodie splendida est, & omnium rerum adfuit copia. Videre ibidem licet praeter alia magni aevi aedificia & Antiquitates residuas Theatri fundamenta, vetustissimum extra Urbem Concordiae Fanum, Formas ibidem sublimes ac solidas aquaeductuum, ex Apennini costis partim exeisas, partim opere lateritio ex ima valle fornacibus in altum subductis. *Cereturum* novi nominis Opidum, sed frequens: a quo *Ceretani* vocantur Errones, qui nunc per univertam Italiam discurrentes sanctitatis religionisq; praetextu varijs artibus emungere stipem consueverunt. *Pons Castellanus*, *Ponte Castello*: ab *Ceretanis* conditum. Eo ortus *Ioannes Pontanus*, Vir magni nominis & omni doctrinarum genere praestantissimus. *Corissa* novi nominis Opidum, montoso situ, frequens admodum. *Interamna* Str. *Interamnia* Antonino, *Interamnium* Itinerariae Tabulae: vulgo *termi* vel *terani*. Rebus omnibus ad vitam necessarijs abundat: Incolis frequens. Agro insignis ab fl. est fertilitas: Vinum notae optimae *Vernaccia*. *Tuder* vetusta Civitas in colle ameno sita, Ficibus, Oleis, Vitibus, alijsque fructiferis arboribus ornato. Lacus habet *Floridum*, *Vclinum*, *Cutihensem*. Montes autem praeter *Inginium*, cuius meminit Strabo, *Engubinum*, *Floridum* & alios: sunt, qui *Corniculi* Halic. Latinis forte *Corniculi*: videtur *Zonaras Carnitas* Lacus. *Crustumens* Montes ibidem, ex quibus *Allia* fl. praeter alto alveo defluit. *Fiscellus* Iugum illud Appennini Montes. *Plinio* dicitur, unde duobus erumpit fontibus *Nar* fl. hodie *Monte Fiscello*. Sequitur inde pars Apennini, quae *Mons Victor*, ubi Appenninus supra Castellum Arquatam altissimis cacuminibus effertur, ut adeo seipsum celsitudine videatur superare, id est, ut adhaerentia circumquaque iuga cetera, quamquam editissima, longe vincat: ideoque ex re nomen huic Culmini datum *Mons Victor*. Incolae reliquis Italiae populis sunt bellicosiores: ideoque ex re nomen huic Culmini datum *Mons Victor*. Incolae reliquis Italiae populis sunt bellicosiores. *Ariminensis* Episcopatus subest *Ravennatensi* Archiepiscopatu, Episcopatus in Ducatu Spoletino, sunt, *Assisinas*, *Fulginas*, *Nucerinus*, *Engubinus*, *Spoletinus*, *Tudertinus*, *Ameliensis*, *Narniensis*, *Interamniensis*.